

Market ehf.
Smiðjuvegi 2
200 Kópavogi

Reykjavík 6. september 2021
UST202108-201/F.K.
07.05.02

Niðurstöður eftirlits í kjölfar ábendingar um vanmerkta efnavöru í Plus Market.

Umhverfisstofnun barst ábending um að efnavörur sem boðnar væru til sölu í Plus Market, Hraunbergi 4, uppfylli ekki kröfur efnalaga nr. 61/2013 varðandi merkingar.

Um er að ræða eftirfarandi vörur sem Market ehf. er ábyrgt fyrir markaðssetningu á:

Vara	Strikamerki
Ariel – All in 1 pods – laundry detergent pods	8001090348869
Fairy clean & Fresh – Jabiko – dishwashing liquid	4015400956181
Fairy Original - dishwasher pods	8001841303673
Henkel – E – liquid detergent	9000101314854
Persil Color active gel - liquid detergent	9000101314854

Farið var í eftirlit í verslun Plu Market í Hraunbrgi 4 og eintak af vörunum tekið til skoðunar. Eftirlitið leiddi í ljós að umræddar vörur uppfylla ekki skilyrði efnalaga nr. 61/2013 og reglugerða nr. 415/2014 um flokkun, merkingu og umbúðir efna og efnablandna og nr. 300/2014 um þvotta- og hreinsiefni.

Um kröfur til merkinga og frávik frá þeim sem eftirlitið leiddi í ljós vísast til eftirlitsskýrslu sem er send til eftirlitsaðila með rafrænum hætti.

Umhverfisstofnun veitir Market ehf. frest til 20. september 2021 til að senda upplýsingar til staðfestingar flokkunar varanna og senda afrit af merkimiðum, uppfærðum með tilliti til varnaðarorða, hættusetninga, og hættumerkja í samræmi við flokkun og tungumálakröfu með tilliti til merkinga skv. reglugerð nr. 415/2014 sem innleiðir reglugerð (EB) nr. 1272/2008 og reglugerð nr. 300/2014 um þvotta-og hreinsiefni sbr. nánari útlistun í meðfylgjandi eftirlitsskýrslu.

Úrbætur skulu sendar Umhverfisstofnun merktar málsnúmerinu UST202108-201. Rafræn skjöl sendist á ust@ust.is.

Jafnframt er gerð sú krafa að vörur á sölustað verði endurmerktar með réttri merkingu þegar hún liggur fyrir og hefur verið staðfest af Umhverfisstofnun.

Umhverfisstofnun veitir Market ehf. hér með frest til 20. sept nk. til þess að koma sjónarmiðum sínum á framfæri, sbr. 13.gr. stjórnsýslulaga nr. 37/1993.

Vakin er athygli á því að í samræmi við 5. mgr. 49. gr. efnalaga mun Umhverfisstofnun birta á vefsetri sínu upplýsingar um niðurstöður eftirlits og til hvaða úrræða stofnunin hefur gripið jafnóðum og ákvarðanir um slíkt liggja fyrir. Bréf þetta og meðfylgjandi eftirlitsskýrsla verða birt á vefsetri stofnunarinnar 13. september nk. Telji fyrirtækið að efni í bréfinu eða eftirlitsskýrslunni varði hagsmuni sem njóta eigi leyndar skal fyrirtækið tilkynna um það til Umhverfisstofnunar með rökstuðningi fyrir 13. september 2021.

Umhverfisstofnun vekur athygli á því að þótt aðeins séu gerðar kröfur varðandi þessa tilteknu vöru gæti verið þörf á úrbótum varðandi fleiri vörur hjá fyrirtækinu til að þær standist kröfur efnalaga eða reglugerða settra á grundvelli þeirra.

Umhverfisstofnun vekur einnig athygli á því að samkvæmt XIII. kafla efnalaga er stofnuninni heimilt að beita þvingunarúrræðum til að knýja á um framkvæmd ráðstöfunar samkvæmt lögnum, til að mynda með áminningu sbr. 55. gr., álagningu dagsekta sbr. 56. gr. og stöðvun markaðssetningar sbr. 57. og 58. gr.

Jafnframt er vakin athygli á því að samkvæmt gjaldskrá fyrir verkefni og þjónustu Umhverfisstofnunar nr. 535/2015 innheimtir stofnunin tímagjald vegna eftirfylgni eftirlits og beitingar þvingunarúrræða, sbr. 30 gr. gjaldskrárinnar.

Upplýsingar um flokkun, merkingu og umbúðir efna og efnablandna má finna á heimasíðu Umhverfisstofnunar¹.

Fyrirtækinu er velkomið að leita til sérfræðings stofnunarinnar, Fífu Konráðsdóttur, til að fá nánari upplýsingar um skyldubundnar merkingar í síma 591 2000 eða í gegnum netfangið fifa.konradsdottir@ust.is.

Virðingarfyllst

Fífa Konráðsdóttir
sérfræðingur

Bergdís Björk Bæringsdóttir
sérfræðingur

¹ <https://ust.is/atvinnulif/efni/flokkun-merking-og-umbudir/>